

**Bosna i Hercegovina  
Federacija Bosne i Hercegovine  
V L A D A**

**Samo za službenu upotrebu**

**Z A P I S N I K  
308. hitne sjednice Vlade Federacije Bosne i Hercegovine  
održane 23.04.2026. godine, telefonskim putem**

**Sarajevo, april 2026. godine**

## Z A P I S N I K

**308. hitne sjednice Vlade Federacije Bosne i Hercegovine  
održane 23.04.2026. godine, telefonskim putem**

**Sekretar Vlade, gđa. Edita Kalajdžić, telefonski je kontaktirala Nermina Nikšića, premijera, te federalne ministre: Tonija Kraljevića, zamjenika premijera i federalnog ministra finansija, Vojina Mijatovića, zamjenika premijera i federalnog ministra razvoja, poduzetništva i obrta, Ramu Isaka, federalnog ministra unutrašnjih poslova, Vedrana Škobića, federalnog ministra pravde, Vedrana Lakića, federalnog ministra energije, rudarstva i industrije, Andrijanu Katić, federalnog ministra prometa i komunikacija, Nerina Dizdara, federalnog ministra raseljenih osoba i izbjeglica, Nedžada Lokmića, federalnog ministra za pitanja boraca i invalida odbrambeno-oslobodilačkog rata, Nediljka Rimca, federalnog ministra zdravstva, Jasnu Duraković, federalnog ministra obrazovanja i nauke, Sanju Vlasisavljević, federalnog ministra kulture i sporta, Kemala Hrnjića, federalnog ministra poljoprivrede, vodoprivrede i šumarstva, Amira Hasičevića, federalnog ministra trgovine, Željka Nedića, federalnog ministra prostornog uređenja, Adnana Delića, federalnog ministra rada i socijalne politike i Nasihu Pozder, federalnog ministra okoliša i turizma.**

**Nisu glasali: Sanja Vlasisavljević, federalni ministar kulture i sporta i Adnan Delić, federalni ministar rada i socijalne politike.**

## DNEVNI RED

- 1. Prijedlog odluke o usvajanju Programa utroška sredstava sa kriterijima raspodjele sredstava „Subvencije privatnim preduzećima i preduzetnicima – Poticaj za poljoprivredu“ utvrđenih Budžetom Federacije Bosne i Hercegovine za 2026. godinu Federalnom ministarstvu poljoprivrede, vodoprivrede i šumarstva**  
**Izjavitelj: Kemal Hrnjić, federalni ministar poljoprivrede, vodoprivrede i šumarstva**
- 2. Prijedlog odluke o dopunama Odluke o Listi lijekova fonda solidarnosti Federacije Bosne i Hercegovine**  
**Izjavitelj: Nediljko Rimac, federalni ministar zdravstva**
- 3. Informacija o potrebi za finansiranje liječenja oboljelih od rijetkih oboljenja- Hunterov sindrom i Sindrom kratkog crijeva, sa Prijedlogom zaključka**  
**Izjavitelj: Nediljko Rimac, federalni ministar zdravstva**
- 4. Informacija o ovlaštenju za vođenje pregovora radi sticanja 100% udjela u Privrednom društvu Nova željezara Zenica d.o.o., sa Prijedlogom zaključka**  
**Izjavitelj: Vedran Lakić, federalni ministar energije, rudarstva i industrije**

**AD. 1. Prijedlog odluke o usvajanju Programa utroška sredstava sa kriterijima raspodjele sredstava „Subvencije privatnim preduzećima i preduzetnicima – Poticaj za poljoprivredu“ utvrđenih Budžetom Federacije Bosne i Hercegovine za 2026. godinu Federalnom ministarstvu poljoprivrede, vodoprivrede i šumarstva**

Vlada je jednoglasno, u tekstu kako je predloženo, donijela Odluku o usvajanju Programa utroška sredstava sa kriterijima raspodjele sredstava „Subvencije privatnim preduzećima i preduzetnicima – Poticaj za poljoprivredu“ utvrđenih Budžetom Federacije Bosne i Hercegovine za 2026. godinu Federalnom ministarstvu poljoprivrede, vodoprivrede i šumarstva i prihvatila prijedlog premijera Federacije Bosne i Hercegovine, kroz raspravu putem „Viber grupe Vlade“, za korekciju Programa novčanih podrški u poljoprivredi i ruralnom razvoju za 2026. godinu, koji je sastavni dio Odluke, kako slijedi:

„Zbog izazovne situacije sa tovom svinja da se u Programu stavka „svinjogojska proizvodnja“ (svinjsko meso – tov svinja) poveća iznos pojedinačne podrške sa trenutnih 110 KM/grlo na 120 KM/grlo. Trenutno Programom za ovu stavku ukupno je predviđeno 2.460.000 KM i moguće je da nije potrebno mijenjati iznos zbog pada proizvodnje u ovoj kategoriji.“.

Napomena: O prijedlogu premijera Federacije Bosne i Hercegovine za korekciju Programa novčanih podrški u poljoprivredi i ruralnom razvoju za 2026. godinu, nisu glasali: Sanja Vlasisavljević, federalni ministar kulture i sporta, Nediljko Rimac, federalni ministar zdravstva, Jasna Duraković, federalni ministar obrazovanja i nauke i Adnan Delić, federalni ministar rada i socijalne politike.

**AD. 2. Prijedlog odluke o dopunama Odluke o Listi lijekova fonda solidarnosti Federacije Bosne i Hercegovine**

Vlada je jednoglasno, u tekstu kako je predloženo, donijela Odluku o dopunama Odluke o Listi lijekova fonda solidarnosti Federacije Bosne i Hercegovine.

**AD. 3. Informacija o potrebi za finansiranje liječenja oboljelih od rijetkih oboljenja-Hunterov sindrom i Sindrom kratkog crijeva, sa Prijedlogom zaključka**

Vlada je jednoglasno usvojila Informaciju o potrebi za finansiranje liječenja oboljelih od rijetkih oboljenja-Hunterov sindrom i Sindrom kratkog crijeva i donijela predloženi zaključak.

**AD. 4. Informacija o ovlaštenju za vođenje pregovora radi sticanja 100% udjela u Privrednom društvu Nova željezara Zenica d.o.o., sa Prijedlogom zaključka**

Vlada je jednoglasno prihvatila Informaciju o ovlaštenju za vođenje pregovora radi sticanja 100% udjela u Privrednom društvu Nova željezara Zenica d.o.o. i donijela predloženi zaključak.

**Broj: 03-02-807/2026  
23.04.2026. godine  
Sarajevo**